

棗陽縣志卷二十九

藝文下

北眺春陵

唐 駱賓王



總轡疲宵邁驅馬倦晨興既出封泥谷還過避雨陵山行明
照上谿宿密雲蒸登高徒欲賦詞殫獨撫膺

贈從兄襄陽少府皓

李白

結髮未識事所交盡豪雄卻秦不受賞救趙甯為功托身白
刃裏殺人紅塵中當朝揖高義舉世欽英風小節豈足言退
耕春陵東歸來無產業生事如轉蓬一朝狐裘敝百鎰黃金

棗陽縣志

卷二十九

藝文下

一

空彈劍徒激昂出門悲路窮吾兄青雲士然諾聞諸公所以
陳片言片言貴情通棣華倘不接甘與秋草同

遊南陽白水登石激作

朝涉白水源暫與俗人疎島嶼佳境色江天涵清虛目送去
海雲心閒游川魚長歌盡落日乘月歸田廬

夕次蔡陽館

孟浩然

日暮馬行疾城荒人住稀聽歌知近楚投館忽如歸魯堰田
疇廣章陵氣象微明朝拜家慶須著老萊衣

廣昌館

韓愈

白水龍飛已幾春，偏逢遺跡問耕人。
邱墳發掘當官道，何處南陽有近親。

赴章陵酬李卿贈別

錢起

一官叨下秩，九棘謝知音。
芳草文園路，春愁滿別心。

罷章陵令山居過中峯道者

邱壑趣如此，暮年始棲偃。
賴遇無心雲，不笑歸來晚。
鳴鳩拂紅枝，初服傍清畎。
昨日山僧來，猶嫌嘉遯淺。
託君紫陽家路，滅心更遠。
梯雲創其居，抱犢上絕巘。
杏田溪一曲，霞境峯屢轉。
跂石掛飛泉，謝公應在眼。
願言攜手去，採藥長不返。

棗陽縣志

卷二十九

藝文下

二

驪驪陂

胡曾

楚天日暮見荒陂，千載唐公事可悲。
莫惜驪驪輸令尹，漢東宮闕早歸時。

春陵懷古

宋 庠

鬱鬱春陵舊帝家，黍離千古此興嗟。
蕭王此日爲天子，莫說金吾與麗華。

上唐遺壤亘荒途，白水煙消拱木枯。
陌上停驂聊借問，帝鄉今有舊親無。

義井

風迴寂不波無風性逾定激清太古泉俯瞰寒人影征途渴
火雲取汲藉修綆

九十九岡歌

邢居實

春仲賦南征歲暮復北走歧路劇羊腸重岡九十九馬瘦須
著鞭袖短難藏手與君從此別把袂倚垂柳

胡烈婦歌

元楊維禎

夫從軍妾從主夢魂猶痛刀箭瘢况乃全軀飼豺虎拔劍誓
天天爲怒眼中於菟小如鼠百年虎鬼冤魂語精光夜貫新
阡土可憐三世不復仇泰山之婦何足數

棗陽縣志

卷二十九

藝文下

三

岑彭墓

張仲舉

英雄特立漢時功今古人稱將士風千載清名文史裏一抔
黃壤草煙中巍巍事業匡明主濟濟衣冠付畫工過客不堪
回首處夕陽老樹照殘紅

椒山寺

尋幽遠入白雲堆滿路烟霞撥不開細討禪關知寂寞重修
樓閣上崔嵬曇雲端遶招提境琪樹陰遮般若臺極目遙天
成久立此身恍若到蓬萊

唐子山

明張三丰

白石磷磷繞澗泉蒼松鬱鬱鎖寒烟碧桃花發朱英秀別是
人間一洞天

胡烈婦歌

楊基

渤海有婦人厥姓爲胡氏從夫戍棗陽黃昏宿水滌跳梁猛
虎來齧夫如菑翳彼婦突驚起不暇自爲計直前執虎足盡
力與牽制呼兒抽佩刀刺虎虎立斃大義凜春秋復讐古所
貴嗚呼流俗敝仁義日以廢婦不夫其夫臣子競爲利患難
圖苟免聞此得無愧

前題

邑令
王應辰

棗陽縣志

卷二十九 藝文下

四

沙河岸邊秋草白棗陽城頭落日黑老兵辛苦殘更來林下
挽車聊一宿黃蘆颯颯中夜鳴俵鬼叫嘯悲風生虎饑得人
怒不置徒手擊搏危相爭直前死力扯虎足手先進刀屠虎
腹但知有夫豈知虎視之何如几上肉當時一擊甯顧軀驚
魂碎骨仍攜扶九泉瞑目已無憾舊血慘澣身上襦千古節
義傳鄉閭我猶胆怯見畫圖健婦果勝一丈夫

斫虎

胡纘宗

曉登漁洋程夜宿沙河浦驚見虎啣夫唾手奮吾武夫兮婦
所天家兮夫爲主我生知有夫甯復知有虎提戈日可揮虎

猛期必拄呼兒疾付刀極力斫若股虎蹶婦得夫虎口手能
取縣司表勅旨婦道名今古

白水寺

元樸生

晚來頗恨雨昏昏待旦週遊喜見皦白水龍飛遺勝迹紫微
山拱護真垣支分桐柏垂鷄朶派合襄樊鎖鹿門却憶陶公
捉脉賦雲頭穴古不虛言

清涼寺小憩歌

邑令 李一龍

憶昔初夏愆雨暘火雲烈烈朱鳥翔我視民瘼不敢康起祈
甘雨敷農桑天瓢一瀉下大荒滌除酷烈回清涼驅車出郭
棗陽縣志 卷二十九 藝文下 五
止道旁東阡西陌齊蒔秧農人擊鼓聲其鏗舞蹈雀踴如跳
梁清時忝竊身爲郎幸無苛政爲民殃公餘縱步遨僧房清
風兩腋懷羲皇安得四時均元陽坐令斯世歌虞唐

過潯源寺

乘興遊山寺微涼雨乍過鐘聲穿疊嶂鳥語隔煙蘿客至烹
雷茨僧閒寫貝多禪堂清話久時聽採樵歌

虎岡夕照

劉 觀

一拳怪石虎蹲形雨洗苔痕儼若生山脊尙留光閃鑠岡頭
獨踞影縱橫試看歸鳥投林透擬聽靈禽應瑞鳴我欲登臨

窮遠眺挽留安得繫長繩

羊堰秋波

石羊隱約卧芳陂
素練澄澄繞四圍
白日遊魚潭底現
黃昏歸鳥鏡中飛
芙蓉花老含香冷
楊柳條疎倒影微
有客濯纓過此地
忘機鷗鳥自相依

椒山梵宇

古殿巍峩聳碧岑
石檀松老鶴偏尋
涼生禪榻當窓竹
光射維摩布地金
塔上鈴敲終古韻
鉢中蓮漏六時心
我來瞻眺徘徊久
鳥解留人作好音

棗陽縣志

卷二十九

藝文下

六

花縣譙樓

平地樓高百尺多
闌干十二繞蒼阿
山峯獻翠四圍拱
鐘鼓持更午夜過
勢壓瑤臺光日月
高凌碧漢近星河
灶哉更築金城固
萬姓瞻依樂太和

椒山寺

簡尙默

堆煙聳翠接青穹
梵刹巍峩碧落中
綠樹遠屯門外嶺
白雲深鎖洞邊松
凌霄古塔棲遼鶴
跨水長橋卧海虹
覽盡禪關多雅趣
此山勢壓峴山雄

過寺莊

張廷諫

驄馬長安道秋風度棗陽可憐負鼎客相遇接輿狂劍舞魚
腸古茶烹雀舌香真人鍾秀地應有卧龍岡

客星井

翩翩釣臺翁傲屣棄利祿煙波七里瀨風月一竿竹平生誰
知己大度劉文叔旁求徧天下三聘乃肯出同卧有故人時
以足加腹上應天象垂下應太史卜

經光武帝故居

邑令 伍希儒

紅旆凌風上古臺碧雲黃霧一時開已聞白水真人遠卻喚
青州從事來許國有心慚未補憂民無策恨非才山花簷鳥
棗陽縣志

卷二十九

藝文下

七

知人意也向幽岩避世猜

送袁光甫致仕歸棗陽

馬理

華山陰商山陰兩見袁安鳴一琴山鬼渾知心似渭岳神亦
笑囊無金攜琴歸向鄉園去四皓低徊怨別深

送袁商州廷英歸隱棗陽

黃卷

解組投簪早見幾故鄉歸去正春暉峴山花柳添新色白水
魚鰕勝舊肥五馬豈能留宿駕一錢強爲結征衣秦關尙滯
同來客惆悵東風未得歸

送管明府勗登先生擢廣州

邑人 袁宗伯

佐政羊城去蒼生擁道遮民皆失所怙公亦視如家屋落千
村月鶯啼一縣花桐鄉多少淚痛洒向天涯

樊城送吳御六歸汴

邑人
袁 奘

明珠分佩漢江頭拉手江橋問酒籌墮淚偷看叔子碣聯吟
誰上仲宣樓音書寄我同胡雁風雨愁人喚鷓鴣梁苑隋隄
休買醉高狂莫典鷓鴣裘

同吳賀蘭往鹿門訪蔡玉虹山亭

冷然清淺鹿門坡爲送春歸許放歌一帶西山秋雨色幾家
南浦舊漁蓑停橈問道茅亭小策杖穿林曲徑多數載江風

棗陽縣志

卷二十九

藝文下

八

攜兩袖留人其奈白雲何

初春入都留別山中友人

一杖村居事事慵治平未兆耻明農春光處處爭深淺柳色
年年自淡濃風暖無端青四野雪殘有意白千峯誅茅布置
煙霞裏會欲投簪學臥龍

思峴山別業

鹿門形勝接荆門一曲清江抱故園朱閣青樓冠蓋里綠雲
紅樹木香村浮雲往事鴻留爪浪跡空天兔決躡西眺萬山
回白首鳳林落日舊銷魂

壬午榜後

糟粕從人拾唾餘名分甲乙時難居驪龍珠去惟鱗爪博浪
椎空只副辜歌舞漫傷年老大衾裯只怨命孤虛拚將老死
殘篇內祇恐前身是蠹魚

中原逐鹿滿金戈慚愧空言設制科遇拙敢云臣尙少時艱
可信命如何青樓粉黛年空悞白首英雄氣自磨東去帝鄉
白水在吾將長嘯老煙波

蔡陽館

歌館人傳白水邊夕陽一片草芊芊關山滿目知非舊只有

蔡陽縣志

卷二十九 藝文下

九

詩篇說浩然

驪驪橋

橋以驪驪舊得名相傳橋在棘陽城霜蹠不見惟豐草大秣
仰天何處鳴

哀嚴羽宜

嚴羽宜名繩光以選貢任九江司理轉湖西道僉事
施設未竟遽遭鼎革旋里後有向平五岳之志辛丑
冬邂逅衡陽告予往禮南嶽握手歛歔如不欲別未
幾卒於阿弟廣文署中詩文老友無有如君者矣

同是臨川拔雄心未肯降予與羽宜皆臨川管勗登帥所拔士朱顏爭第一白

璧媿成雙家第稱三戶節推拜九江爰乘青翰舫竟擁碧油

幢羽宜曾監軍破賊頻傳檄懸軍每渡杠匡山雲夾路蠡水月開

窓一洒鼎湖慟長挑永夜缸餘情工嘯詠晚節重鄉邦歌館

如歸孟鹿門未隱龐湖洄春草夢汗漫水雲艤菽向高堂奉

鐘聞古寺撻居近白水寺秋風辭壘燕落月吠門危旅櫬歸千里

孤懷憤一腔乾坤同破絮歲月等奔瀧鸚鵡洲邊蛻羽宜卒於漢陽

驢驪橋畔椿章陵豐草內白水咽淙淙

哀牛虎溪

棗陽縣志

卷二十九 藝文下

十

牛公虎溪諱九宿以選貢守昌平解組歸遭壬午之

變賊大舉圍棗陽公登陴督鄉兵血戰城破死之無

後天歟人歟

藉藉才名盛縱橫擅一時天心騁驥足世態妒蛾眉毀譽來

原眾恩仇報亦癡虎溪居鄉跡弛人多非之者羊腸九折早鷄肘一麾遲

異績神京近清心聖主知艱難才去國慷慨忽登陴血戰孤

城破分飛絕艷悲元方空有弟伯道竟無兒散佚篇章盡凋

殘池館移空梁飛紫燕斷柳囀黃鸝萬卷知何付百身贖是

誰山陽吹笛罷淒絕有餘悲

署中草廬

國朝邑令 柯聳

春陵署中有隙地構小廬三楹以竹爲椽上覆新茅
庭前雜樹數枝青翠欲滴室中一榻一几公餘獨坐
翛然幽遠不減築室深山也詩以記之

亦欲構華軒重念力役苦旬日遂成廬短墻聊築土竹枝密
作椽大者編作戶覆茅敵寒風經雨隨時補自喜水署中幽
曠同村塢夙昔無俗情冥坐遊皇古披吟足賞心草木靜爲
伍小鳥啄簷前林煙光欲吐積翠疑山深絲桐靜可撫高臥
夕陰涼我友懷巢父多謝機心人擾擾奚足取

棗陽縣志

卷二十九 藝文下

二

寄懷唐石虎明經

春陵舊遊處憶爾出羣才最喜論文數時能載酒來地深王
粲井天遠楚王臺他日飛騰去無令老鬢催

賦餞錢建安民瞻

建安之東武夷山武夷層巒有九曲幔亭玉女峯插天飛濤
噴雪漾波淥中有仙人駕白鸞霞褥雲茵待高躅喜君鳧舄
奏五絃泠泠琴聲響崖谷憶昔予尊李建州志慕臯蘇式敬
獄淑問猶鐫黃華巔甘棠流咏去思篤予因隨侍曾登臨愛
彼風光秀朝旭萬家煙火金鼓休工秀農龐書善俗聞從革

代變滄桑兵荒重困膺斯酷哀鴻甫集急撫綏隨車幸沛甘
霖沃擬君德度飲醇醪潔守四知如執玉扶殘起瘠民所懷
扇被仁風羣沐浴化洽菁莪桃李滋兩歧流頌春犁足鉏暴
應張破柱威察見覆盆明洞燭異日芳名書御屏中牟異政
史臣錄爲我寄語武夷君詳紀徽猷予尊續莫譚笙鶴拂丹
梯翩翩仙吏同金粟嗚呼仙吏真翩翩庶幾不爲山靈辱

過白水

中原形勝望蒼茫天與名藩控畫疆金册牙幢雄宛葉珠旗
鐵甲走襄陽時來將相丹青在運去關河殿閣荒極目雲臺

襄陽縣志

卷二十九 藝文下

十一

總蕭瑟茂陵何獨怨劉郎

胡烈婦歌

良人遣戍罪莫贖烈婦遇人嗟不淑天涯跋涉自甘心窮途
何更罹虎毒婦人俠烈勝丈夫割刀虎腹虎殼鯨劫之以威
虎失威以德化之應亦足吁嗟乎不聞渡河聞啞人試問當
年誰作牧

春陵懷古

漢代龍興事已過春陵尙剩舊關河青山到處淹行騎白水
無端促逝波岑馬英雄成寂寞鬱葱佳氣鎮銷磨搖鞭西去

隆中近風土猶傳抱膝歌

羔兒橋

橋在北關外黃龍岡下傳昔有人經此橋下忽現二
羊大者南去尾之入水化石還視小羊哀號不已亦
化石因名羔兒望母橋

從來萬類感精誠誠至無端變化生昔有婦人曾化石望夫
望母一般情

鷄籠寺

邑令 劉嗣煦

驅車問俗歷田疇小憇層寮曲徑幽方信溪山閒處得還驚

棗陽縣志

卷二十九 藝文下

十三

樓閣望中收銜蘆雁過低紅樹秉耒人歸趁碧流誰似山僧
棹靜寂一朝殊勝幾春秋

初至棗陽登魁星樓遠眺

教諭 熊天章

高閣凌秋漢重岡列繡幃地連嵩嶽峻星仰翼躔輝造士
皇風永崇儒令德巍憑闌瞻眺久斜日下林扉

章陵懷古

往代曾經肅盛儀禮隆禋祀擁星旗寢園赫奕焚丹冊父老
歡呼引玉卮勝蹟時移青簡在豐碑春老斷文遺誰能望古
窮探討著屐擔簦不肯辭

魁星閣

艾自馨

閣舊在黌宮之側規制狹小邑侯闡中劉公改建於
泮池之東凌雲聳翠輝映重霄所以啟文明開甲第
者皆於是舉基之矣為俚詞以誌

高並層雲列嶂廻清光入望洞然開四郊已誦中牟異十日
頻沾河朔杯泮水芹香隨晝永楓廷丹詔戴星來欣瞻棨戟
騰佳氣信說文章映上台

白水村

湯右曾

風俗東都記文章西鄂存赤符千歲歷白水數家村銅馬知
棗陽縣志

卷二十九

藝文下

十四

何帝蒼龍尙有孫原陵蕭瑟久里社薦盤飧

濯纓亭

陳浩

翠微深處一茆亭俯瞰滄浪徹底清漁父自歌還自和不勞
過客濯塵纓

過馬鞍山

黎嘉惠

茆屋鷄鳴夢不留馬鞍山下霧初收重關古道千峯峻翳日
連雲萬木凋虎豹巉巖牽客袂笙簧鳥語間溪流揮鞭未覺
行程晚一抹斜陽度驛樓

隨陽店宿陳氏宅卽事

邑令 徐芳桂

土屋風迴靜霜階月到明停驂尋舊館下榻有陳生酒涼傾
匏勺燈花落瓦檠論文吾不厭今夕路旁情

邑侯徐老夫子重建春陵書院落成恭賦七律以紀

邑人 陳登堂

洪爐長抱鑄顏心迴挽頽波一臂任海上靈鰲先仗餌月中
仙桂久成陰風含夜鐸簷鳴玉日弄晴波硯散金欲遣州人
師趙德不嫌毛髮雪霜侵

過光武故里

迷甯 張問陶 船山

白水遺龍種春陵鬱帝基南陽新將相司隸舊威儀大樹悲

棗陽縣志

卷二十九 藝文下

五

荒宅神鴉澹古祠英雄攀附地下馬拜殘碑

謁漢光武祠

蒲圻 張開東

西漢王綱委南都佳氣開炎光綿歲月白水動風雷寶鼎雙
龍象戎衣一草萊真人乘景運列宿降雄才蕩滌妖氛盡扶
持天地迴皇基經咫尺帝廟見崔巍黻冕丹青在冠裳左右
陪淵源餘澤潤瞻拜獨徘徊

棗陽夜行至草店口占

棗陽夜發氣蕭疎草店行來霜未除自愛空山生寂靜一輪
明月一輪車

鄂城喜晤棗陽唐史兩君子及隨州高果亭訂遊白水

洪山之約

客度隨陽二十春尋幽猶有隔風塵他年白水洪山約今夕相逢是主人

資山道中

襄陽縣令署縣事 竇欲峻

一村香稻一層山幾處人家傍水灣水曲山幽真太古桃源猶似在人間

曉行棗陽道中

懷甯 馬駿

煙寺一鐘破行行客擔簦寒聲征路鐸殘火市樓燈霜重鴉

棗陽縣志

卷二十九 藝文下

去

僵樹河凝鷺踏水重岡忘跋涉置驛有陳登

夕陽館用壁間原韻

邑令 錢振邦

好句傳千古陽春和者稀江山留客任花鳥勸人歸市接樓臺近城連燈火微揮鞭早投宿莫使露沾衣

夏日登地藏閣

飛甍突兀倚層空盛夏登臨爽氣通杯色侵涼山欲雨花香滿戶樹生風樓臺聳峙低殘照城郭迢迢帶晚虹共說春陵多勝蹟探幽初地幾人同

集據勝樓

邑人 錢經邦

高捲冰簾百尺樓人驚笑語出雲頭
窓垂霞綺勾陳近杯落蟾光曲檻秋
灰劫蒼茫人代速土花斑駁石碑留
休將弔古縈心緒且作糟邱汗漫遊

光武里故里

邑人 錢 淳

何處鬱葱佳氣浮千秋勝蹟信難留
村煙遙幕青山暮錦浪層翻白水流
霞蔚雲蒸豪傑窟龍飛虎嘯帝王州
數椽今復嗟寥落地以人傳成古邱

畱別棗陽諸生

邑令 陳德潤

重來白水憶牽裾屈指韶華四載餘
載道懽聲慚去後臨歧感泣念交初
三年報政知無補午夜焚香信不如
稔看秋風騰健翮莫將尺素吝雙魚

棗陽縣志

卷二十九

藝文下

七

過瓦子岡

蘆陂堰畔柳含霜八萬山頭日色黃
行盡重岡九十九棗陽西去是襄陽

皇村懷古

邑令 鹿啟烈

茅舍低煙亂石旁行人指點說皇莊
中興事業昭前史一代山河剩此鄉
古刹梵聲仍白水荒祠鴉影自斜陽
當年望氣稱葱鬱感慨銷沈古戰場

題胡趙氏節孝

疾風知勁草板蕩識忱臣自古志節士屈指曾幾人而乃巾
幘婦足愧鬚眉身凜然大義持柏舟矢堅貞鞠育撫弱子子芬

田甫三歲恭順娛老親兩世資奉養四代賴拊循托孤並寄命直

可與等倫苟徒徇以死萬事俱沈淪含忍延旦夕盤錯節彌

珍大吏勤採訪 楓陛下 恩綸以此登上壽福祿駢且臻

祝禱慙拙筆綱常萬古伸

春陵懷古

雲夢 蔡作桂

角逐英雄苦戰爭春陵聚義業垂成河山久已歸周索父老

棗陽縣志

卷二十九 藝文下

文

依然拱漢京井底有謀空草率關中無命漫縱橫憑誰掃卻

煙塵道八萬山高瑞靄盈

江南江北總堪愁百萬雄兵據上游半壁君臣忘遠畧一家

父子許同仇安民喜見流亡集禦敵欣逢綜理周孟氏有才

真出眾何如文煥在襄州

前題

雲夢 馮炳時

春陵遙望鬱葱葱故里猶存漢帝宮文叔平生原謹厚昆陽

一戰見英雄投戈講藝資神畧閉境息兵保大功三十三年

勲業赫天留近屬王蠶叢

送人赴棗陽石橋

雲夢 郝師直

洪山桑梓地白水帝王鄉此去石橋路關河百里長重看山
雪處應及嶺梅香莫漫遲征騎春隄草正芳

遊石虎山咏仙人牀

應城 呂庭栩

撥盡人間萬種愁真仙夢與白雲遊戲堆怪石支牀脚笑借
飛花作枕頭慨爾蜉蝣臨赤壁依然蝴蝶化莊周醉眠甲子
都忘卻笑問滄桑曾變不

縹緲危峯上插天遨遊誰復挾飛仙石牀清冷初眠月玉几
橫陳暗抱煙蝙蝠洞中藏日月蝦蟆更裏換山川蘧蘧一覺
棗陽縣志

卷二十九

藝文下

九

纔伸臂化鶴還鄉又幾年

白水寺

隨州 羅世才

白水村前白水流西風瑟瑟逼清秋漢家陵寢今何在空見
沙隄起白鷗

羣雄掃盡故鄉過豐沛南陽較若何諸母故人前置酒不曾
學唱大風歌

自唐縣鎮至紅花鋪口占

隨州 儲嘉珩

唐河東渡日西斜暮宿荒村賣酒家醉過隨陽三十里桃林
一路到紅花

過太平鎮

太平關外路茫茫唐子山頭別楚疆此去洛陽多舊友天涯
猶得比同鄉

棗陽道中

隨州 郝謙

匹馬行將暮崎嶇路正長野雲吞落日客思轉蒼茫風土今
巖邑關河古帝鄉哀鴻看載道時歲頻饑安輯賴龔黃

再過春陵有感

隨州 高銓

百年世事總浮沉眼底興衰感客心曾記巷門多服馬誰憐
燕子半巢林上游烽火連川陝野戍星河動古今舊日親交

棗陽縣志

卷二十九 藝文下

三

寥落甚那堪獨此對春深

光斗山懷古

漢興戎馬灌郊原光斗山高駐錦軒率土終歸赤帝子德星
正耀紫微垣備嘗險阻亭前飯大度包容枕上痕從此英雄
襄聖業青年鄧禹謁軍門

春陵暮春感懷

隨州 高鈞

山連遠翠接鴻濛古寺烟雲萬壑通一片花飛人境外幾家
村落雨聲中頭顱漸改名心淡壘塊難消酒力窮回首春陵
春又暮憑欄無語望遙空

三月三日同張鴻漸遊八萬山

隨州高福滂

自余客春陵林壑恣遊豫言望八萬山東南獨雄踞遠岫鬱
青蒼重岡亘廻互登臨夙有癖俯仰神馳驚張子素心人宛
在比鄰寓良辰會相邀爲我導先路著屐從所適涉目自成
趣春輝媚餘景雜花生野樹惠風和且柔好鳥鳴不在陰靄
淡濕衣流翠欲沾屨昔聞赤帝子甲兵此屯駐陳迹久已湮
遺壘杳何處感古愴幽懷耽勝遲行步忽聽午鐘鳴古寺林
間露滿徑苔衣凝一縷香烟度靜境絕塵囂久坐澄心慮山
僧知敬客慙慙羅饌具高談興轉豪樂飲不知暮下山陽已

棗陽縣志

卷二十九

藝文下

三

微新月一鈎吐

經白水村

策馬春陵道經行白水村秋風生老樹落日淡荒原帝里名
猶著真人廟僅存園林湮已久誰與薦蘋蘩

登棗陽城樓

七年書劍此淹留望遠頻登百尺樓天際山連隨郢出城邊
水接漢襄流風搖紅樹曛殘照露冷黃花送晚秋作客那堪
逢歲暮憑欄頓起故園愁

送陳龍巖少府之棗陽

武進湯貽汾

九十九岡頭勞人萬古愁怪君行作吏澹蕩似閒鷗野史亭
前月春風江上舟自來詩筆健尋勝好句留

棗陽道中

滁州石如岡

八萬山前野草荒一肩行李共奚囊自憐裘敝黃金盡暮雨
西風過棗陽

寺莊晚眺

唐縣孫恣

小市枕山頭蒼茫一望收寒風淒草木落日下羊牛地憶漢
兵過天連楚水流興亡無限意過眼白雲浮

湖河鎮卽事

新野王謙

棗陽縣志

卷二十九

藝文下

三

荒關也自戍兵戎跨蓼連隨盡漢東溪水終朝搖碧柳寒山
十里醉丹楓千家烟火存唐俗一市喧囂雜楚風何事遊民
頻聚嘯砦前霹靂夜鳴弓

留別棗陽友人

襄陽汪照

昔聞佳氣鬱蒼蒼一騎征鞭赴棗陽古廟蕭條傳白水中興
事業付黃梁年荒頗覺人情厚歲暮都教旅况忘適館投餐
均好我臨池誰敢比鍾王

留別陳翊思司馬

時修文廟
奉委採木

江夏程保極

北海英賢萃元龍意氣豪簪纓綿舊澤黍雨沛新膏允矣圭

瑋品居然砥礪操桂曾探月窟鐸欲振雲璈斌術師傳座鱣
堂比擁臯三年膺擢薦百里試翔翱奎斗纔移柄荆襄待奏
刀化行麋子國畧蓄范公韜白水揚颿至鄖山臥轍囂下車
時幾許作鑑識周遭法立人知感刑平政不撓頓教鷄犬靜
立止虎狼饕有意栽桃李先宜剪艾蒿楚材原可用晉盜又
焉逃鋤暴非陵下尊師卽育髦膠庠憐棟折展謁益心切倡
義分清俸刻期延士曹和風春有腳妙語頰添毫指臂均堪
使星霜敢計勞試看泉幣集好助室堂高典守余慚任追隨
首屢搔爲求江渚木遠泛漢陽舠旣荷交情重還承異數叨

棗陽縣志

卷二十九

藝文下

三

珍饈壯行李言語勝醇醪花落庭無訟工鳩鼓聽馨居諸遲
道路修阻念波濤共仰斯文燦還期一世陶猛寬冬夏日忠
信澗溪毛酒並椒盤獻燈從雪夜挑投箋頻鄭重大雅主風
騷

烈婦行

邑人

史仲先

章陵六月氣如秋四野雲陰風颼颼煩冤欲訴天飛雨灑向
人間作淚流資山南望簡家林綠樹蒼茫碧玉岑山川秀鍾
深閨女蓮花爲貌玉爲心憶昔閩範憑阿母母慈但祝得佳
耦兩鬢穆穆初長成十六嫁作王家婦兩載恩情樂復樂海

棠開時東風惡連理枝折別生死節去修文妾命薄從此孤
棲深閉門玉容顛顛泣黃昏花朝綿綿秋月夜傷心難與賦
招魂竟有無情阿母嫂欲奪柏舟事顛倒妾心原比玉壺清
偷生何如捐生好松柏有心竹有筠是妾前身與後身試看
截髮投崖者敢以清風讓古人古人矢死曾書扇妾心祇有
明月見衷腸爲訴月中人淒風吹我魂魄斷拔刀哀呼向天
泣颯颯悲風鳴四壁霜鋒濺血鬼神驚大節克完綱常立採
風使者輜軒到烈婦完貞竹帛耀旌門表里總流芳王霞九學使贈
貞烈流芳額九原有知應含笑吁嗟女兮淑且貞殺身不顧爲成

襄陽縣志

卷二十九

藝文下

四

仁千古倫常稱三絕烈婦孝子與忠臣旌節花斷腸草海枯
石爛蒼天老爲作長歌弔貞魂丹叢淚滴新詩稿

白水寺謁漢光武帝祠集唐十二律

邑人

史策先

白水龍飛已幾春

韓愈

鳳樓回首落花頻

李郢

曾經轉戰平堅寇

楊巨源

重與江山作主人

張籍

片石孤雲窺色相

李頎

荒祠古墓對

荆榛

劉禹錫

相逢莫話金鑿事

韓偓

魯酒何堪醉近臣

鮑防

水態含青近若空

蘇頌

栖鸞樹杪出行宮

蘇頌

行人莫問當年事

許聖主偏知漢將功

韓翃

幾處園林蕭瑟裏

杜甫

數聲鷄犬翠微

中劉三千年後知誰在

羅隱

一體君臣祭祀同

杜甫

數行烟樹接荆蠻崔夜見星辰憶舊官劉禹錫殊錫曾爲大司

馬杜甫衰顏欲付紫金丹杜甫雲生澗戶衣裳潤白居易月射珠光

貝闕寒韓偓符命已歸如掌地胡宿蠻鄉今有漢衣冠許

誰送春聲入櫂歌元稹門前不改舊山河趙嘏客星辭得漢光武

徐寅勲業終歸馬伏波杜甫渭水晴光搖草樹賈曾漢南春色到滹

沱李益娟娟知有西林月劉滄望斷平時翠輦過李商隱

玉樓金殿影參差盧綸相望長吟有所思柳宗元三楚故人皆是

夢韋莊百年世事不勝悲杜甫城隅綠水明秋日李白門外青山似

舊時李賀回首漢宮樓閣暮張必天顏有喜近臣知杜甫

棗陽縣志 卷二十九 藝文下 五

山水空言是故鄉皮日休數聲鐘鼓自微茫張泌愁看地色連空

色司徒圖便下襄陽向洛陽杜甫官舍已荒秋草沒劉長卿翠簾初

捲暮山蒼許渾至今南頓諸耆舊溫廷筠猶自千回問漢王沈彬

一上高樓萬里愁許渾白雲猶似漢時秋岑參百年雨露承恩澤

失名萬國衣冠拜冕旒賈至翠輦不來金殿閉雍陶香煙欲傍衰

龍浮王維君王舊蹟今人賞杜甫寺下春江深不流杜甫

千家山郭靜朝暉杜甫龍池躍龍龍已飛沈佺期不有小舟能蕩

槳杜甫况逢寒食欲霑衣韓偓漢家城闕疑天上沈佺期南國山河

舊帝畿劉禹錫何處遙知最惆悵盧綸白雲流水自相依徐寅

青山白水映江楓李端樹遠連天水接空羅隱十二碧峯何處所

劉禹錫三千世界本無窮武元衡川原繚繞浮雲外盧綸玉殿虛無

野寺中杜甫人在函關先望氣胡宿一丸曾誤隗王東胡宿

雲臺高議正紛紛李商隱瑞氣東移擁聖君陳上美四尺孤墳向

處是許渾一渠流水數家分項師金吾舊侶君先貴許渾漢閣笙歌

日又曛沈彬龍虎勢衰佳氣歇李羣玉子孫相約事耕耘李商隱

千里關河百戰來吳融安危須仗出羣材杜甫牆頭細雨垂纖草

張蠙岩畔古碑空綠苔許渾沙鳥不知陵谷變劉長卿簷花應待御

筵開宋之問神靈漢代中興主杜甫欲掉漁舟近釣臺李郢

棗陽縣志 卷二十九 藝文下 六

白水青山空復春杜甫還符白水出真人姚崇榮華不肯人間住

薛逢水木空疑夢裏身宋邕百丈遊絲空繞樹盧照鄰數家烟火自

為鄰朱灣傷心不忍問耆舊杜甫何處南陽有近親韓愈

題花山柳耆卿墓

章陵軼事說清明都向花山拜柳卿殘月曉風何處畔荒烟

蔓草此間瑩紅牙共唱銷魂曲金掌偏留弔古情獨醒一編

真據在從今兩地不須爭事詳陵墓

白水村懷古

邑人謝兆蘭

新室竊據非其有民急去之脫虎口蟻聚蜂屯紛妖魔盜名

字者十八九火德幾灰無復存卯金鼎折等拉朽人心思漢
天運回鴻業仍歸赤龍冑絳衣大冠起草萊白水真人作元
首天戈所指失險夷關西河北持牛酒攀龍附鳳攬英豪投
戈講藝傳檄走一代中興豈偶然力無大小德薄厚君不聞
四七之際火爲主雲臺列宿照萬古又不聞赤劉之九會昌
符當日曾上封禪書

夏日登青峰山

邑人 劉 峩

西北多平衍東南美谿山茲峯最突兀矗立青雲端羣山如
拱立羅列而噴吐其陰有習洞石泉聽潺湲吾性嗜山水支
棗陽縣志 卷二十九 藝文下 七
筇屢躋攀足力覺已疲小憩盤石間憑高極瞻矚履險愁心
顏好風從西來飄飄六月寒吹我毛髮動愁絕葛衣單欲去
心夷猶言隨飛鳥還

寺莊懷古

邑人 衛瞻淇

落日宜秋聚停鞭問古風幾家連部伍一見得英雄地靜烽
烟息年深壁壘空丹楓林外樹猶似戰旗紅

由棗陽教諭推升德安教授留別舊好諸君子五十韻

孝感 劉之彥

自古離別難天涯無定止爲客幾經年流光疾如駛歲在丙

午秋秉鐸蒞白水遙望鬱葱佳氣籠青紫此中大有入探

風心竊喜雍雍文教邦自然臻上理官冷意更閒風流思彼

美同舟共濟人雲散俱已矣老卜君子交不棄余言俚樽酒

細論文座上青蓮李西齋李香甫明月照屋梁清光去渣滓豈無

賢大夫閣部再遇史同年史吟舟侍御勇退上急流早卸繡服豈是

邦重師資事之殊友士與我訂詩交永序蘭譜齒大宋小宋

家宋晴州茂才昆玉過從少停晷山林樂事分看花羅園裏况乃患

難同奚論我與爾杯酒猶淺歡交深何能已余豈太上人忘

情棄如屣安定有胡君西江胡君慷慨無倫比詎乏飲食人言

棗陽縣志 卷二十九 藝文下 三

甘風過耳交久敬不衰舊誼戀桑梓桑梓親益恭誦詩懷毛

子同縣毛君逍遙抱朴齋有酒我來釀味淡情彌長如醴交可鄙

最親是同宗南園本家本根庇葛藟念我獨宦人諸務代經紀從

不涉嫌疑瓜田戒納履親友無失歡文章有知己同學多少

年楊烈臣賈厚菴諸學友翩翩鵲噪起聞我有遠行桃李門如市投贈

詩連篇大雅扶輪軌同鄉客異鄉亦不吝貴紙四壁輝琳瑯

商羽雜流徵讀不厭百回口角芬蘭芷酒豈能酬之未必多

且旨我忝為節儒安洲曰遷徙不早賦歸田老至貧且仕春

陵十八年澗水四百里脈絡與貫通此心清如泚親友恐未

知自問或免訾檢束古書囊空虛知何似涼風吹我衣飄飄
薄羅綺行旌亦飛揚車騎相遷迤叱御命長驅四郊近無壘
昔在城之隅今渡河之浹男兒志四方壯游常若此豈不懷
故人迢迢寄雙鯉長揖辭諸君含情自適彼

春陵雜詩

江夏 劉光煥

客况閒如許溥忘物序遷買春爭賞雨入夏尙裝絲秧水新
平隴墨雲半翳天晚風吹欲霽乾雀噪檐前
漢代屏藩重重岡繞縣門夕陽何處館白水舊時村禾黍餘
兵燹亭臺剩劫痕茫茫今昔感獨立黯銷魂

秦陽縣志

卷二十九 藝文下

五

遠塞鳴邊鎬嚴城警夜巡地偏猶用武官好不言貧羽檄馳
星火弓衣滿戰塵劉琨長起舞愁對着鞭人

邑令吳嶰谷

藩邸聲威壯旌旗擁玉驄赤心真佛子鐵面老元戎傳檄清

河北彎弧指漢東一鞭鞍馬健颯爽見英風

欽差大臣僧即

昂首忽西望咸陽烽火深將軍頻躍馬頡利半成禽蜀道黃

雲暗秦關紫氣臨年年勞轉戰一劍照丹心

西安將軍多隆阿

閱世情何極臨風浩氣舒笑人功類狗顧我食無魚愁到惟

澆酒身閒且讀書匣中琴劍在一顧一躊躇

佳氣鬱葱地吾師舊德鍾一朝欽柱石千尺聳喬松著述搜

墳典聲華謝鼎鐘門牆依許我光寵勝登龍

侍御史吟
舟夫子

三載春陵道交情合有緣忽歌將進酒欲去又停鞭別緒深
潭水歸心急箭弦回看南浦路芳草綠芊綿

志成書後

史策先

漫說文章老更成白頭尙對短燈檠烟雲過眼都成夢今古
何人不愛名史筆敢於才學識官箴舊凜慎勤清千秋毀譽
尋常事不畏前賢畏後生